

NAQQIUT

3. marts 2016-imi siunnersuutigineqartoq taarserpaa

Peqqut

Naalakkersuisut siunnersuutigaat, eqqussuinermi akitsuutit nutaat qaffanneqarnikullu, Inatsisartut inatsisaanni nr. 21, 23. november 2015-imi akuersissutigineqartut (UKA 2015/99), aatsaat 24. november 2015 atortuulersinneqassasut. Tamatuma kinguneratigut, piffissami 20. august-imit 23. november-imut akitsuutit akilerneqarsimasut utertinneqassapput.

Malitsigisaanik allannguutissat oqaaseqaatini ilanngunneqarput.

Inatsisissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Pisortat aningaasartuutaat amerliartormata, isertitat aningaasartuutillu landskarsip isertitaqarnerulersinneratigut naligiinnerulersinneqarnissaat siunnersuutikkut anguniarneqarpoq. Imeruersaatit kofeinitallit eqqaassagaanni, inatsisissatut siunnersuutip siunertaraa inuit peqqinnerulernissaat anguniarlugu nioqqutissanik peqqinnangitsunik, soorlu energidrikkini kiisalu imeruersaatini allanik annertuumik kofeinitalinnik atuinerup akitsuummik qaffaneq aqqutigalugu millisinneqarnissaa. Naalakkersuisut naliliipput ilaatigut imeruersaatit eqeersaatini kofeinitut ittunik akusat, aamma energidrikkini taagorneqartut ingasaallugit atorneqarnermikkut meeqqanut, inuusuttunut inersimasunullu peqqinnangitsuusut.

Energidrikkini kulysretalinnik eqqussuineq Nioqqutissanik eqqussuinermi akitsuutit pillugit Inatsisartut inatsisaanni § 1, imm. 1, nr. 4, naapertorlugu akitsuusigassaapput.

Imeq energidrikkini allallu kulysritaqqangitsut, puiaasamiittut qillertuusamiittulluunniit eqqussorneqartut ullumikkut puui akitsuusigaapput, tassa 25 centiliteri tikillugu imaqqarsinnaasoq ataaseq 2,00 kr.-imik akitsuuteqarluni. 25 centiliteri sinnerlugu imaqqarsinnaasoq ataaseq 3,50 kr.-imik akitsuuteqarpoq.

Siunnersuutip landskarsimut ukiumut 5,5 mio. kr.-it missinginik isertitsissutaanerusarnissaa naatsorsuutigineqarpoq.

Nioqutissanik eqqussuinermi akitsuutit pillugit Inatsisartut inatsisaata allannngortinneranik Inatsisartut inatsisaat nr. 21, 23. november 2015-imeersumik mamakujuttut akitsuutaat qaffanneqarpoq, kiisalu qummoroortartunut, sunoorsinut sukuluunullu akitsuutinik nutaanik eqqussisoqarluni.

Atuutilernissaanut aalajangersakkamik inatsit § 2-mi ima allassimasumik imaqarpoq: ”Inatsisartut inatsisaat saqqummiunneqarnermini atortuulissaaq”. Aalajangersakkap, eqqanaarsaasoqarnissaanut aarlerinaammik peqquserneqartup, kinguneraa, inatsit saqqummiunneqarnerminit, tassa 20. august 2015-imit atuutsinneqalernera. Tamannalu pillugu aalajangersakkap malitsigaa, suliffeqarfiit allallu, akitsuuserneqartussanik inatsimmi allassimasunik Kalaallit Nunaannut eqqussisimasut, ullormit tassanngaannit mamakujuttunut, akitsuutip qaffannera kiisalu qummoroortartunut, sunoorsinut sukuluunullu akitsuutit nutaat akilissagaat.

Marts 2016-ip aallartinnerani Naalakkersuisut aalajangerpaat, akitsuutit akilerneqarsimasut utertinneqassanngitsut.

Naalakkersuisut isummernissaannut tunngavissiami erserpoq, inatsisip kingumut atuunnerani, taamallaat 8,8 mio. kr.-t missaanni akilerneqarsimasut. Taamatullu erserpoq, akitsuutit suliffeqarfinnut angisuunut arlaqanngitsunut taamaallaat sunniuteqarsimasut.

Kingorna ajoraluartumik paasineqarpoq, naatsorsuineq eqqunngitsoq.

RAL-ikkut nassiussinermi akimut akiliinermut ilanngullugit, suliffeqarfiit inuinnaallu akitsuutit akiligaat, naatsorsuutinut ilaasimangillat. Eqqussinernullu taakkununnga inatsit aamma atuummat, aallaavittut pisariaqassaaq, suliffeqarfinnut kiisalu inuinnarnut 1,3 mio. kr.-t missaanniittunik akiliisitsineq.

Tamanna tunngavigalugu, Naalakkersuisut inatsisissatut siunnersuummik saqqummiussipput, UKA2015-imi inatsisip allannguutaata akuerineqartup sunniutai kinguartinniarlugit, taamaasilluni nioqutissanut akitsuusigassaasunut, inatsisip 24. november 2015 imaluunniit kingorna aatsaat atuutilersussanngorlugu. Tamatuma kinguneranik akitsuutit akilerneqarsimasut utertinneqassapput.

Akiliutigineqarsimasut utertinneqarnerini aarlerinaataavoq suliffeqarfiit taarsiivigivallaarnissaat, akitsuutit atuisunut tunniutereersimasinnaammatigit.

Siunnersuummik tamanna anguniarneqanngilaq, tamatuma kingunerissammagu suliffeqarfiit tapanitinneri.

Taamaattumik Aningaasaqarnermut Naalakkersuisoqarfiup Sulisitsiut (GE) aperisimavai, agguaqatigiissillugu inuussutissarsiorfimmuut tamaat isigalugu qanoq sunniuteqartigisimansoq.

GE ikiorsiisimavoq, suliffeqarfinnut ilaasortaminut paasissutissanik uppersaatinillu aallerluni. GE-p suliffeqarfiit ilaasortai paasissutissanik nassiussisimapput, takutinniarlugu suliffeqarfiit, akitsuutit taasariaqartumik atuisunut tunniutereersimanngikkaat. Siunnersuummi paasissutissat taakku tunngavigineqarput, siunnersuutigineqarlunilu akitsuutit pineqartut 100 procentimik utertineqassasut.

Inatsisissatut siunnersuutit matuma kinguneranik, suliffeqarfiit ilai taarsiivigivallaarneqarsimappata, Naalakkersuisut naatsorsuutigaat, suliffeqarfiit utertitsiffigineqarnertik akit appasissut aqutigalugit pisiniartartuminnut iluaqutinngortissagaat.

2. Siunnersuutip imarisai pingaarnertit

Energidrikkit kulsyretallit inatsisissatut siunnersuutip kinguneranik § 1, imm. 1, nr. 4-miit nuunneqarput. Taarsiullugu akitsuusigassat nutaat ilanngunneqarput, “imigassat ethanolimik akoqanngitsut koffeinimik literimut 149 mg sinnerlugu akullit” literimut 15 kr.-inik akitsuuserlugit. Energidrikkinut kulsyretalinnut tunngatillugu akitsuutip 7,50 kr.-iniit 15 kr.-inut qaffanneqarnissaa siunnersuutaavoq.

Energidrikkit imeruersaatillu allat kulsyretaqanngitsut koffeinimik literimut 149 mg sinnerlugu akullit, taamaallaalli manna tikillugu puui nioqutissanik eqqussuinermi akitsuutit pillugit inatsimmi § 1, imm. 1, nr. 6 naapertorlugu akitsuuserneqartarlutik. Inatsisissatut siunnersuummi siunnersuutaavoq nioqutissat taakku energidrikkit kulsyretallit akitsuutaannut naapertuuttumik akitsuuserneqassasut. Tassa imaappoq energidrikkit koffeinimik literimut 149 mg sinnerlugu akullit tamarmik eqqussuinermi akitsuummik literimut 15 kr.-iusumik akitsuuserneqarnissaat inatsisissatut siunnersuutip imaraa.

Energidrikkit koffeinimik literimut qaffasissorujussuarmik akoqarnertik immikkut ilisarnaatigaat. Energidrikkit koffeinimik akoqarnermik saniatigut imigassanit allanit allaanerussutaat suunersoq nassuiaruminaappoq. Tamannalu aamma imigassat koffeinimik literimut qaffasissorujussuarmik akullit allat, matumani aamma ilaatigut kaffinit nioqutissiat ineriikkat qillertuusaniittut imertarfinniittullu akitsuusersorneqarnissaannik siunnersuuteqarnermut pissutaavoq. Nioqutissianik tamakkuninnga atuiavallaarnerup

meeqqanut, inuusuttunut inersimasunullu peqqinnangitsutut isigineqarnera tamatumanissaag aamma eqqarsaatigineqarpoq.

Aamma erngup eqqussuinermi akitsuuserneqarnissaa siunnersuutaavoq. Matumani pineqarpoq imeq tipigissaasigaanngitsoq allanilluunniit mamarsaasigaanngitsoq akuugaanngitsorlu.

Siunnersuutaavoq imeq literimut 1,50 kr.-imik akitsuuserneqassasoq, taamaalilluni akitsuut tamarmiusoq puiaasanut akitsuut ilanngullugu 25 centiliteri tikillugu imaqarsinnaasunut 3,50 kr.-iussalluni, puiaasanullu 25 centiliteri sinnerlugu imaqarsinnaasunut 5 kr.-iussalluni.

Inatsisartut inatsisaannit nr. 21, 23. november 2015-imeersumit mamakujuttunut akitsuut qaffanneqarpoq, saniatigullu qummoroortartunut, sunoorsinut sukuluunullu akitsuutinik nutaanik eqqussisoqarluni.

Nioqqutissanik eqqussuinermi akitsuutit pillugit Inatsisartut inatsisaata allanngortinneranik Inatsisartut inatsisaat nr. 21, 23. november 2015-imeersoq kingunerisaanik piffissami 20. august 2015-imit inatsisip akuersissutigineqarneranut 23. november 2015-imit, akitsuutit akilerneqarsimasut Inatsisissatut siunnersuut manna naapertorlugu utertinneqassapput. Taamaallaat 20. august 2015 sioqqullugu akitsuutit atuussimasut qaffasissusaannik qaangiisimasunut, akitsuutinik akilerneqarnikunik utertitsineq pissaaq. Utertitsineq ernialersorneqassanngilaq. Kiisalu, nioqqutissat taama ittut piffissami tassani eqqunneqartut amerlanerusunik akileeqqusissutigineqassanngillat.

Inatsisissatut siunnersuutip ataatsimut isigalugu imarai akitsuutinut akiliutit kiisalu piffissami tassani akitsuutinik utertitsinissamut piunnaasaq, katillugit 9.692.731,93 kr.-usut. Aningaasat utertinneqartussat 8,x mio. kr.-unissaat missiliorneqarpoq.

Siunnersuutigineqarpoq akileraartarnermut ingerlatsiviup utertitseqqinnerup allaffissornertaa suliarissagaa.

Akileraartussaasoq Namminersorlutik Oqartussanut akiitsoqarsimappat, akileraartarnermut ingerlatsivik utertitsinermi akiitsunut ilanngaassisinnaatitaavoq.

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	§ 1

	Nioqqutissanik eqqusuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, Inatsisartut inatsisaatigut nr. 21, 23. november 2015-mi kingullermik allanngortinneqartumi makku allannguutigigitinneqarput:
”Nr. 4. Mineralvandit, sodavandit, limonadet aamma imigassat kulysirimik akullit, ethanolimik akoqanngitsut, nr. 4a-mut ilaanngippata, literimut 7 kr. 50 øre”	1. § 1, imm. 1, nr. 4, ima oqaasertalerneqassaaq: ”Nr. 4. Mineralvandit, sodavandit, limonadet aamma imigassat kulysirimik akullit, ethanolimik akoqanngitsut, nr. 4a-mut 4b-mullu ilaanngippata, literimut 7 kr. 50 øre”
	2. § 1, imm. 1, nr. 4, litra a-p kingornagut ilanngunneqarpoq: ”Nr. 4b) Imigassat ethanolimik akoqanngitsut, koffeinimik literimut 149 mg-imit anginerusumik akullit, literimut 15 kr. 00 øre”
	2. § 1, imm. 1, nr. 4, litra b-p nutaap kingornagut ilanngunneqarpoq: ”Nr. 4c) Imeq literimut 1 kr. 50 øre”
	§ 2 Inatsisartut inatsisaat ulloq 1. juni 2016-imi atortuulissaaq. <i>Imm. 2.</i> Nioqqutissanik eqqusuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. 21, 23. november 2015-imeersumi § 1, imm. 1, nr. 2, 9, litra c aamma d, aamma nr. 27-imi nioqqutissat taaneqartut eqqunneqarnerinut akitsuut, piffissami 20. august-imit 23. november 2015-imut akitsuuteqartussaasimappata, taakkuninnga

	<p>eqqussinermi akitsuut atuutissanngilaq. <i>Imm. 3.</i> Imm. 2-mi taaneqartut akitsuuteqartussaasut akiliisimappata, akileraartarnermut ingerlatsiviup akitsuutit akilerneqarsimasut utertissavai. Akileraartarnermut ingerlatsiviup utertitsinissamut piumasarisinnaavaa, akitsuuteqartussaasup akitsuutinik akiliisimaneranut naatsorsuutit akiliutillu uppernarsaataanik takutitsinissaa. Aningaasat utertinneqartut ernialersorneqassanngillat.</p>
--	--

3. Pisortanut aningaasatigut allaffissornikkullu sunniutissai

Siunnersuutip immikkoortui 1-3, landskarsimut 2016-imi 2,5 mio. kr.-it missinginik aammalu 2017-imi ukiunilu missingersuusiorfiusuni 5,5 mio. kr.-it missinginik isertitsissutaanerusarnissaa eqqoriarneqarpoq.

Ergup puiaasamiittup akitsuutaatigut isertinneqarnerusartussat 0,5 mio. kr.-it missaanniissanngatinneqarput.

Energidrikkit akitsuutaasigut isertinneqarnerusartussat 5,0 mio. kr.-it missaanniissanngatinneqarput.

Inatsisissatut siunnersuummi § 2, imm. 2 aamma 3, piffissami 20. august-imit 23. november 2015-imut akitsuutinit iluanaarutit katillugit 9,7 mio. kr.-t missaanniippat. Aningaasat taakku annertunerpaartaat suliffeqarfinit akilerneqarnikuvoq. Sinneruttut sulii akilerneqanngillat imaluunniit akileqquneqanngillat. Isertitaqarneruneq pineqartoq 2015-imut Aningaasanut Inatsimmi missingersuusiorneqanngilaq.

Siunnersuutip allaffissornikkut annertuumik pisortanut sunniuteqarnissaa naatsorsuutigineqanngilaq.

4. Inuussutissarsiutinik ingerlataqartunut aningaasatigut allaffissornikkullu sunniutissai

Imerk kiisalu imigassanik koffeinimik akulinnik eqqussuisartut atuisunut pisisartunullu allanut tunineranni akiinik qaffaanissaat naatsorsuutigineqassaaq. Nioqqutissat taakku pisiarineqartartut akit qaffannerisa kingunerisaannik ikileriaateqarnissaat naatsorsuutigineqarpoq.

Inatsisissatut siunnersuutip kingunerissavaa, suliffeqarfiit il.il. akitsuuteqartussaataasut 2015-imi mamakujuttunut, qummoroortartunut, sunoorsinut sukuluunullu akitsuutinut akiligaasa ilaat utertinneqassasut. Suliffeqarfiit akitsuutinut akilersimasaasa annertussusaannik utertitsinissaq aallaaviussaaq. Siunnersuut inuussutissarsiorfimmi allaffissornikkut taasarialinnik kinguneqassanngilaq.

5. Avatangiisinut, pinngortitamut inuillu peqqissusiannut sunniutissai

Siunnersuut energidrikinik imigassanillu koffeinimik akulerujussuarnik allanik atuinerup millinissaanik kinguneqassangatinneqarpoq, tamannalu inuit peqqinnerulernerannik kinguneqassangatinneqarluni.

Energidrikinik il.il. atuinikinnerulerneq puiaasat plastikkiusut qillertuusallu avatangiisinik mingutsitsisut ikilinerannik nassataqassaaq.

6. Innuttaasunut sunniutissai

Akitsuutinik qaffaanerit atuisunut tamakkiisumik akilersinneqarnissaat naatsorsuutigineqartariaqarmat, akitsuutit inunnit nioqqutissanik pineqartunik atuisuusunit akilerneqartussaassapput.

Siunnersuut innuttaasunut allaffissornikkut sunniuteqartussaannngilaq.

7. Sunniutissai pingaarutillit allat

Inatsisissatut siunnersuut naalagaaffeqatigiinnermut tunngasunik imaqanngilaq.

8. Høring af myndigheder og organisationer

Inatsisissatut siunnersuummi § 2 tusarniaassutigineqarnikuunngilaq.

Inatsisissatut siunnersuummi immikkoortut 1-3, piffissami 7. Decembari 2015-mit 13. Januaari 2016-imut, KANUKOKA-mut, Sulisitsisut-nut, NUSUKA-mut, SIK-mut, Inuussutissarsiornermut, Suliffeqarnermut Niuernermullu Naalakkersuisoqarfimmut,

Peqqissutsimut Naalackersuisoqarfimmut, Pinngortitamut, Avatangiisinut Inatsisinullu Atuutsitsinermit Naalackersuisoqarfimmut, Ilinniartitaanermit, Kultureqarnermit, Ilisimatusarnermit Ilageeqarnermullu Naalackersuisoqarfimmut, Ilaqutariinnermit, Naligiissitaanermit Isumaginninnermullu Naalackersuisoqarfimmut Kommuneqarfik Sermersuumullu tusarniaassutigineqarpoq.

SIK-mit, KNI A/S-imit, Sulisitsisut-nit, KANUKOKA-mit kiisalu Peqqissutsimut Naalackersuisoqarfimmit tusarniaanermut akissutinik Aningaasaqarnermit Naalackersuisoqarfik tigusaqarsimavoq.

Oqaaseqaatit tiguneqartut ataani nalinginnaasumik allanneqarput, Naalackersuisut akissutaat *uingasumik* allanneqartut. Tusarniaanermut akissutit naalisakkat aaqqissuussallu ataani allassimapput.

Peqqinnissatigut pitsaaliuinikkut isigalugu Peqqissutsimut Naalackersuisoqarfiup Inatsisissatut siunnersuut tapersortorujussuaat. Imigassat koffeinitut ittunik eqeersaatitallit, energidrikkiniq nalunnginneqartut, atuivallaarnikkut meeqqanut, inuusuttunut inersimasunullu peqqinnangissinnaapput.

Oqaaseqaat inatsisissatut siunnersuummi allannguinnissamut peqqutissaqartitsinngilaq.

Inatsisissatut siunnersuutip piaarnerpaamik atuutilersinneqarnissaa Peqqissutsimut Naalackersuisoqarfiup kissaatigaa.

Naalackersuisut siunnersuutigaat inatsisissatut siunnersuut 1. juuni 2016-imi atuutilissasoq.

Sulisitsisut tusarniaanermut akissutiminni aallarniutigalugu uparuarpaat, atuinerup tungaatigut mamakujuttunut, sunoorsinut qummoroortartunullu, 2015-imi ukiakkut, eqqanaarsarnissamut aarlerinaateqarneq tunngavigalugu kingumoortumik atuuttumik akileraaruserneqartunut naleqqiullugu, siunnersuummi nioqutissat atasut. Namminersorlutik Oqartussat allatut isumaqaleratarsinnaanerata siunnersuutillu matuma ullup atuutilerfissaata allanngorteriaasaarsinnaanerata aarlerinaataa pissutigalugu, Sulisitsisut isumaanni maluginngitsuugassaangilaq, tassunga atatillugu, kingumoortumik atuutilersussamik akitsuusiisoqarnissaanut tunngaviliisussamik, eqqanaarsarnissamut aarlerinartoqannginneranik isumaqartoqarnera.

Nioqutissat pineqartut akitsuuserneqarnissaat ilisimaneqareermat, inatsisissatut siunnersuutip kingusissumik atuutsilerneqarnissaa Naalackersuisut aalajangerpaat. Kiisalu inatsisissatut siunnersuutip namminermi aarlerinarsitissanngilaa nioqutissanik pineqartunik

eqqanaarsarnissaq. Kiisalu Inatsisartut inatsisaata nr. 23 21. november 2015-imeersup atuutilersinneqarnera pillugu isornartorsiunerujussuaq tunuliaqutaralugu, Naalakkersuisut aalajangerpaat siunnersuutip 1. juni 2016-imiit atuutilernissaa. 1. juni 2016-imi atuutilersitsinissamut tunngatillugu aamma eqqarsaatigineqarpoq, Inatsisartuni akuerineqareernerata kinguninngua atuutilersinneqassasoq.

Sulisitsisut oqaatigaat, siunnersuummi ”erngup puiaasamiittup” akitsuuserneqarniarnera Nunatta Karsiani amigartoorutini matussusiinissaq taamaallaat anguniarlugu saqqummiunneqartoq. Akitsuusiineq una peqqinnissatigut isiginninneqanngitsoq.

Naalakkersuisut Sulisitsisut oqaaseqaataat kinguneqartippaat, imeruersaatinik koffeinimik akulinnik akitsuusiinerup peqqinnissamut taamaallaat tunnganera ersersinniarlugu, inatsisissatut siunnersuummut oqaaseqaatit nalinginnaasut naqqinneqarput.

Suli aamma Sulisitsisut isumaqarput, siunnersuummi erngup puiaasamiittup akitsuuserniarneqarnerata taamaallaat ullormut erngup qanoq annertutigisup imernissaanut innersuutigineqartup angunagu imertoqartalernissanik kinguneqassasoq.

Naalakkersuisut isumaqarput, ullormut erngup qanoq annertutigisup imernissaanut innersuussutigineqartoq angunagu imertoqartalernissanik inatsisissatut siunnersuut kinguneqarnaviannngitsoq. Imeruersaatinut koffeinimik akulinnut aamma imermut puiaasamiittumut akikinnermik qinigassaqarpoq, matuma ataani imeq kuuffitsigoortoq.

Sulisitsisut isumaqarput, siunnersuummit matumanit aamma qulaani taaneqartumit mamakujuttunut, sunoorsinut qummoroortartunullu akitsuummik siunnersuummit atuutilersinneqartumik, Namminersorlutik Oqartussat immikkoortumi piviusumi, namminersorluni inuussutissarsiorfimmi isertitaqarnissamut periarfissat pitsanngorsarniannngikkaat, taamaalillunilu inuiaqatigiit ineriartornissamut periarfissai pitsanngorsarniarnagit.

Siunnersuutip matuma kiisalu mamakujuttunut il.il. akitsuutinut ukiaq siunnersuutigineqartup siunertaraat nunatta karsiata naatsorsuutaasa inernerisa pitsanngorsarnissaat. Namminersorluni inuussutissarsiorfimmi isertitaqarnissamut periarfissat aamma nunatta karsiata naatsorsuutaasa pitsaasumik inerneqarnerata akerleriinnerannik isumaqartoqanngilaq.

Naggasiutigalugu Sulisitsisut periarfissaqalerput aqqissuusseqqinnissamut siunnersuutit, Kalaallit Nunaata aningaasaqarneranik aallartisaasussat, minnerpaamillu kigaallisitsisussaannngitsut Naalakkersuisunut ujartussallugit.

Sulisitsisut aamma sulisoqarfimmi peqataasut allat, ilaatigut suliniutit ineriartortitsisussat assigiinngitsut oqallisiginissaannut periarfissiisumut, pingasuulluni oqallisiginninnernut peqataapput.

imeruersaatit egeernartortallit akitsuuserneqarnissaannut siunnersuummut KNI A/S oqaaseqaateqanngilaq.

KNI A/S-ip nassuiaqquaa, puiaasamut imaluunniit puumut allamut maqinneqartussanngorlugu erngup nunatsinniit anninneqartup, Kalaallit Nunaannut eqquteqqinniarnnerani aamma akitsuuserneqassanersoq.

Imissat tamarmik Kalaallit Nunaannut eqqunneqartut eqqussinermi akitsuummik akitsuuserneqassapput. Tamanna aamma Kalaallit Nunaata imianut nunani allani maqinneqarsimasumut atuuppoq.

Taamatullu KNI A/S-ip erseqqissaqquaa, imeq puiaasaanngitsumut allamut puugaq akitsuummumut matumunnga ilaannginnersoq.

Eqqussinermi akitsuut imissanut tamanut atuutsinneqassaaq. Tamanna ersersinniarlugu inatsisissatut siunnersuut aaqqinneqarpoq.

Suli aamma KNI A/S-ip erseqqissaqquaa, imermut puiaasamiittumut akitsuut aamma imermut mamarsaasikkamut, assersuutigalugu imermut hyldeblomstimik mamarsaasikkamut, atuunnersoq.

KNI A/S-ip oqaaseqaataa tunuliaqutaralugu, akitsuut imermut tipigissaasikkamut il.il. atuutinngitsaq ersersinniarlugu Naalakkersuisut inatsisissatut siunnersuut allanngortippaat.

KNI A/S-ip uppersaqqaa, inatsisissatut siunnersuutissatut missingiummi atortuulersitsinissamut siunnersuutigineqartoq (ulloq 1. juni 2016) tassaamat nioqqutissanik, assersuutigalugu grønlanshavnimut Kalaallit Nunaannut nassiunneqassallutik tikittunut, ullormiit tassanngaanniit akitsuusersuilerfissaq – taamaattumillu isumaqartoqartoq eqqanaarsarnissamut aarlerinarloqannginneranik.

Inatsisartut inatsisaat 1. juni 2016 atuutilersinneqassaaq, taamaattumillu nioqqutissat koffeinimik akullit kiisalu erngup puiaasamiittup eqqunneqarneri ullormit tassanngaannit akitsuusersorneqalissapput. Nioqqutissat ulloq 1. juni 2016 kingornaluunniit Aalborgimi Grønlanshavnimut tunniunneqartut taama akitsuuserneqassapput. Eqqanaarsarnissamut

aarlerinaammut tunngatillugu Sulisitsisut tusarniaanermi akissutaannut Naalackersuisut oqaaseqaataat innersuussutigineqassaaq.

Tusarniaanermut akissutimini SIK-p nalunaarutigaa, kattuffik isumaqartoq, imeruersaatiniq eqeernartulinnik akitsuusiinikkut peqqissutsikkut ajornartorsiutit aaqinneqarsinnaanngitsut. Tassunga SIK-p ilannguppaa, imeruersaatit eqeernartullit akitsuuserneqaraluarpataluunniit atuisut pisiuaannassammata.

Naalackersuisut isumaqarput, inatsisissatut siunnersuutip siunertarinngikkaa imeruersaatiniq eqeernartulinnik tunisinerup unitsivinnissaa, kisiannili akitsuusiinikkut atuinerup annikilleriarnissaa.

SIK-p piumaneruaa, akitsuusiinermut naleqqiullugu, aaqqiineq imeruersaatiniq eqeernartulinnik peqqinnissaqarfimmiinngitsunik inerteqqusiinissaq.

Naalackersuisut nalilerpaat, imeruersaatiniq eqeernartulinnik nalinginnaasumik atuineq peqqinnissakkut kingunerlutsitsineq ajortoq. Taamaattumillu Naalackersuisut isumaqanngillat aalajangersimasumik eqqussinissamut inerteqqusiinissaq pisariaqartoq. Taamaattumillu tamatumunnga tunngatillugu Naalackersuisut arajutsinaveersaassavaat nutaanik uppernarsaatiniq takkuttoqarsinnaanera, tamatumunngalu tunngatillugu itigartitsissutigisinnaanagu siunissami piviusumik inerteqqusiinissap isumaliuutigineqarsinnaanera.

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Aalajangersakkap siunnersuutigineqartup imeruersaatinut kulysremik akulinnut akitsuutit pillugit inatsit maannakkut atuuttoq ingerlateqqissavaa, kisiannili allannguutigalugu, imeruersaatit eqeernartumik akullit, kulysremilluunnit akoqaralarunik aalajangersakkami ilaajunnaassammata. Tamanna inatsisissatut siunnersuutip § 1, nr. 2-anit kinguneqarpoq,

tassani imeruusaatinut egeernartumik akulinnut immikkut akitsuusiinissamut aalajangersakkamik nutaamik ilanngussisoqarmat.

Nr. 2-mut

Imigassat koffeinimik literimut 149 mg sinnerlugu akullit eqqusuinermi akitsuummik literimut 15 kr.-inik akitsuuserneqarnissaat siunnersuutaavoq.

Akitsuummi pineqarput imigassat koffeinimik literimut 149 mg sinnerlugu akullit puui ilanngullugit eqqussorneqartut.

Akitsuummi pineqanngillat imeruusaatiliassat koffeinimik akullit imerpallagassat. Taakku nioqqutissanik eqqusuinermi akitsuutit pillugit inatsimmi § 1, imm. 1, nr. 5-imi pineqartunut ilaanerat atuutiinnarpoq, akitsuummit matumanga anginerusumik akitsuusigaallutik.

Akitsuummi pineqanngillat imigassat ethanolimik 1,2 procentimik anginerusumilluunniit akullit, taakku koffeinimik akuat liiterimut 149 mg-imit anginerugaluarpuunniit, imigassammi taamaattut imigassat ethanolimik akullit pillugit maleruagassat naapertorlugit akitsuusigaapput.

Nr. 3-mut

Erngup puiaasamiittup eqqusuinermi akitsuummik literimut 1 kr. aamma 50 øre-mik akitsuuserneqarnissaa siunnersuutigineqarpoq.

Akitsuummi pineqarpoq imeq, matuma ataani akuneqanngitsoq imaluunniit mineralvandiusaq, kulsyretaqarani, sukkoqarani, allanik tungusunnissaateqarani, mamarsaasigaanani imaluunniit tipigissaasigaanngitsoq.

Akitsuummi aamma ilaavoq, imeq Kalaallit Nunaannit nunanut allanut maqitsikkiartorlugu annissaq, kingornalu Kalaallit Nunaannut eqqunneqarniarpoq.

Akitsuummut ilaangillat nioqqutissat, inatsimmi § 1, imm. 1, nr. 4 imaluunniit nr. 4a-mut ilaareersut.

§ 2-mut

Imm. 1-imut

Inatsisartut inatsisaata 1. juni 2016-imi atortuulernissaa siunnersuutigineqarpoq.

Imm. 2-mut

Siunnersuutigineqarpoq, Nioqqutissanik eqqussuinermi akitsuutit pillugit Inatsisartut inatsisaata allangortinneranik Inatsisartut inatsisaata nr. 21, 23. november 2015-imeersumi nioqqutissanut 20. august-imit 23. november-imut akitsuuteqarfiusunut atorunnaassasoq. Tamatuma kingunerissavaa, akitsuutit akileqquneqanngitsut pillugit, piffissami 20. august-imit 23. november 2015-imut akileqquneqassanngitsut.

Imm. 3-mut

Siunnersuutigineqarpoq, Nioqqutissanik eqqussuinermi akitsuutit pillugit Inatsisartut inatsisaata allangortinneqarneranik Inatsisartut inatsisaata nr. 21, 23. november 2015-imi § q, nr. 1-3 naapertorlugu akitsuutit eqqunneqartut imaluunniit qaffanneqartut, piffissami 20. august-imit 23. november 2015-imut akileraartarnermut ingerlatsiviup utertissagai.

Nioqqutissanik eqqussuinermi akitsuutit pillugit Inatsisartut inatsisaata allangortinneqarneranik Inatsisartut inatsisaata nr. 21, 23. november 2015-imeersumut taamaallaat akitsuutit ilaasut utertinneqassapput. Taamaattumik, inatsisip taaneqartup atuutilinnginnerani, akitsuuteqartussaasut akitsuutip qaffasissusaanut inissinneqassapput.

Utertitsinnginnermi, akileraartarnermut ingerlatsivik piunasaqaateqarsinnaavoq. Soorlu akitsuummik akiliisoqarsimaneranut uppersaammik takusaqarumalluni.

Akitsuuteqartussaasoq pisortanut akiitsoqarsimappat, akileraartarnermut ingerlatsiviup aningaasanit utertinneqartunit akiitsut ilanngaassivigisinnaavaat.

Aningaasat utertinneqartut ernialersorneqassanngillat.